

**საჯარო სამართლის იურიდიული პირი –  
ბათუმის შოთა რუსთაველის სახელმწიფო უნივერსიტეტი  
ბრძანება № 01-10/27**

ქ. ბათუმი

28 თებერვალი, 2020 წ.

ბსუ-ს სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ 2019-2020 სასწავლო წლის გაზაფხულის სემესტრში განხორციელების მიზნით კონკურსის გამოცხადების შესახებ

„უმაღლესი განათლების შესახებ“ საქართველოს კანონის 23-ე და 24-ე მუხლის, ბსუ-ს წესდების მე-15 მუხლის, „სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის №4 გადაწყვეტილებისა და სტუდენტთა კარიერული განვითარების, კულტურისა და სპორტის დეპარტამენტის, სტუდენტთა კარიერული განვითარების და მხარდაჭერის განყოფილების უფროსის, ლაშა მიქელაძის 2020 წლის 19 თებერვლის N214363 მოხსენებითი ბარათის საფუძველზე,

**ვ ბ რ ძ ა ნ ე ბ:**

1. გამოცხადდეს კონკურსი ბსუ-ს სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ 2019-2020 სასწავლო წლის გაზაფხულის სემესტრში განხორციელების მიზნით.

2. პროგრამის ბიუჯეტი განისაზღვროს 20 000 (ოცი ათასი) ლარით.  
3. კონკურსის ჩატარების ვადები განისაზღვროს შემდეგნაირად:  
ა) ბსუ-ს სტუდენტთა განცხადებებისა და საბუთების მიღების პერიოდი - 2020 წლის 02 მარტიდან 06 მარტის ჩათვლით, შაბათ-კვირის გარდა, 9:30 სთ-დან 17:30 სთ-მდე;

ბ) საკონკურსო კომისიის მიერ წარმოდგენილი განცხადებებისა და საბუთების განხილვის პერიოდი - 2020 წლის 09 მარტიდან 2020 წლის 10 მარტის ჩათვლით;

გ) კონკურსის შედეგების გამოქვეყნება კომისიის სამუშაო ადგილზე (ბსუ-ს II კორპუსი, სტუდენტთა კარიერული განვითარების, კულტურისა და სპორტის დეპარტამენტის სამუშაო ოთახთან) - 2020 წლის 10 მარტი;

დ) კონკურსის შედეგების გასაჩივრება (აპელაცია) - 2020 წლის 11 მარტი (ბსუ-ს კანცელარიის მეშვეობით);

ე) საკონკურსო კომისიის მიერ სააპელაციო საჩივრების განხილვა და საბოლოო შედეგების ბსუ-ს ვებგვერდზე გამოქვეყნება - 2020 წლის 12 მარტი;

ვ) შეღავათის მინიჭების შესახებ ადმინისტრაციის ხელმძღვანელის ბრძანების გამოცხამა 2020 წლის 13 მარტი.

4. საკონკურსო განცხადებებისა და საბუთების მიღება განხორციელდეს ბსუ-ს სტუდენტთა კარიერული განვითარების, სპორტისა და კულტურის დეპარტამენტში (ქ. ბათუმი, ნინოშვილის/რუსთაველის 35/32, მეორე კორპუსის სტუდენტთა კარიერული განვითარების, სპორტისა და კულტურის დეპარტამენტის სამუშაო ოთახი) და გატარდეს სარეგისტრაციო ჟურნალში.

5. პროგრამაში მონაწილეობის მისაღებად, სტუდენტებმა ბსუ-ს სტუდენტთა კარიერული განვითარების, კულტურისა და სპორტის დეპარტამენტში (მისამართი ქ.ბათუმის რუსთაველის/ნინოშვილის 32/35 მე-2 კორპუსი პირველი სართული), უნდა წარმოადგინონ:

ა) განცხადება (თანდართული ფორმით - დანართი 1);  
ბ) საქართველოს მოქალაქის პირადობის მოწმობისა (პასპორტის) და დაბადების მოწმობის ასლი (წარედგინება დედანთან ერთად);

გ) ფაკულტეტის მიერ გაცემული ცნობა სტუდენტის აკადემიური მოსწრების შესახებ (ცნობა გაიცემა მხოლოდ სტუდენტის აქტიურ სტატუსში მყოფ პირებზე);

დ) შეღავათის კრიტერიუმის/კატეგორიის განსაზღვრისათვის საჭირო დოკუმენტაცია, რომელიც გათვალისწინებულია სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის №4 გადაწყვეტილებით (დამტკიცებული პროგრამის მე-4 მუხლი);

6. ბსუ-ს სპეციალური სასწავლო სოციალური პროგრამის „სტუდენტთა შეღავათები სწავლის საფასურში 2019-2020 სასწავლო წლის გაზაფხულის სემესტრში განხორციელების მიზნით, შეიქმნას საკონკურსო კომისია შემდეგი შემადგენლობით:

ა) მერაბ დიასამიძე - სტუდენტთა კარიერული განვითარების, კულტურისა და სპორტის დეპარტამენტის უფროსი (კომისიის თავმჯდომარე);

ბ) ლაშა მიქელაძე - სტუდენტთა კარიერული განვითარების, კულტურისა და სპორტის დეპარტამენტის სტუდენტთა კრიერული განვითარებისა და მხარდაჭერის განყოფილების უფროსი (კომისიის მდივანი);

გ) რევაზ ოკუჯავა - სტუდენტთა კარიერული განვითარების, კულტურისა და სპორტის დეპარტამენტის, კულტურისა და სპორტის განყოფილების უფროსი (კომისიის წევრი);

დ) ედიშერ ჩავლეიშვილი - ბსუს ადმინისტრაციის ხელმძღვანელის აპარატის უფროსი (კომისიის წევრი);

ე) გიორგი დიასამიძე - იურიდიული დეპარტამენტის მთავარი სპეციალისტი (კომისიის წევრი);

ვ) ირმა დიასამიძე - საფინანსო-ეკონომიკური დეპარტამენტის მთავარი სპეციალისტი კომისიის წევრი (კომისიის წევრი);

ზ) დავით ზოიძე- სტუდენტური თვითმმართველობის თავმჯდომარე (კომისიის წევრი);

7. კომისიამ მუშაობისას იხელმძღვანელოს წინამდებარე ბრძანებითა და „სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის №4 გადაწყვეტილებით.

8. ბრძანება საჯარო გამოცხადების მიზნით განთავსდეს უნივერსიტეტის ვებგვერდზე (ველში „სწავლა“ და „კონკურსები“) და უნივერსიტეტის ადმინისტრაციულ შენობაში თვალსაჩინო ადგილას.

9. ამ ბრძანების შესრულებაზე კონტროლი დაევალოს სტუდენტთა კარიერული განვითარების, კულტურისა და სპორტის დეპარტამენტს.

10. ბრძანება გასაცნობად და აღსასრულდებლად დაეგზავნოს სტუდენტებს (სტუდენტური პორტალის მეშვეობით), ფაკულტეტებს, სტუდენტთა კარიერული განვითარების, კულტურისა და სპორტის დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიების სამსახურსა და იურიდიულ დეპარტამენტს.

11. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზობალაშვილის №30).

12. ბრძანება ძალაშია ხელმოწერისთანავე.

ადმინისტრაციის ხელმძღვანელი

ა. მითაიშვილი

ბსუ-ს სპეციალური სასწავლო სოციალური პროგრამის  
„სტუდენტთა შეღავათები სწავლის საფასურში 2019-2020 სასწავლო წლის  
გაზაფხულის სემესტრში განხორციელების მიზნით კონკურსის გამოცხადების შესახებ  
ადმინისტრაციის ხელმძღვანელის 2020 წლის 28 თებერვლის N<sub>01-10/27</sub> ბრძანების

## დანართი 1

საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტის  
ადმინისტრაციის ხელმძღვანელს, ბატონ ალექსანდრე მითაიშვილს

(ფაულტეტი)

(საგანმანათლებლო პროგრამა, სასწავლო წელი)

(სახელი, გვარი, პირადი ნომერი)

## განცხადება

„სსიპ - ბათუმის შოთა რუსთაველის სახელმწიფო უნივერსიტეტის სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის №4 გადაწყვეტილების თანახმად განსაზღვრულ, ქვემოთ აღნიშნულ (მონიშნულ) შემდეგ კატეგორიას:

- ა) სტუდენტი, რომლის ოჯახი რეგისტრირებულია სოციალურად დაუცველი ოჯახების მონაცემთა ერთიან ბაზაში, მისი ოჯახის სარეიტინგო ქულა ტოლია ან ნაკლებია 100 000 ქულაზე და წინა სემესტრის შედეგების მიხედვით, ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- ბ) სტუდენტი, რომელიც არის შეზღუდული შესაძლებლობის მქონე და წინა სემესტრის შედეგების მიხედვით ყველა სასწავლო დისციპლინაში მიღებული აქვს შეფასებები, ტოლი ან მეტია 51 ქულაზე;
- გ) სტუდენტი, რომელიც არის საქართველოს ტერიტორიული მთლიანობისთვის ბრძოლაში დაღუპულის ან საქართველოს ტერიტორიული მთლიანობისათვის ბრძოლაში უგზო-უკვლოდ დაკარგულად აღიარებულის შვილი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- გ).1. სტუდენტი, რომელიც არის საქართველოს ომისა და სამხედრო ძალების ვეტერანის შვილი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- დ) სტუდენტი, რომელიც არის ობოლი (დედით ან მამით) და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

- ე) სტუდენტი, რომელიც არის იძულებით გადაადგილებული (დევნილის) სტატუსის მქონე და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- ვ) სტუდენტი, რომელიც არის მრავალშვილიანი (ოთხი შვილით) ოჯახის წევრი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- ზ) სტუდენტი, რომელიც არის მრავალშვილიანი (ხუთი და მეტი შვილით) ოჯახის წევრი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- თ) სტუდენტი, რომელიც მიეკუთვნება შესაბამისი კომპეტენციის მქონე სახელმწიფო უწყების მიერ დადგენილი ეკომიგრანტის (სტიქით დაზარალებული) ოჯახს, რომლის სახლის დაზიანება შეფასებულია პირველი ან მეორე კატეგორიით და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- ი) სტუდენტი, რომელიც არის მარტოხელა დედა, რაც დასტურდება შესაბამისი კომპეტენციის მქონე სახელმწიფო უწყების მიერ გაცემული დოკუმენტებით და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- კ) სტუდენტი, რომელიც არის მხოლოდ ერთი მშობლის მზრუნველობის ქვეშ, რაც დასტურდება შესაბამისი კომპეტენციის სახელმწიფო უწყების მიერ გაცემული დოკუმენტებით და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- ღ) სტუდენტი, რომლის და ან/და მმა ასევე არის ბსუ-ს სტუდენტი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

განცხადებას თან ერთვის ჩემს მიერ მითითითებული შეფასების კატეგორიის დამადასტურებელი შემდეგი დოკუმენტაცია:

1. -----;
2. -----;
3. -----;
4. -----;

გთხოვთ, განიხილოთ ჩემი კანდიდატურა და გამარჯვების შემთხვევაში მომცეთ შესაბამისი კატეგორიის დაფინანსება.

დანართი: — ფურცელი.

განმცხადებლის საკონტაქტო ინფორმაცია:

მისამართი: \_\_\_\_\_

ტელეფონი: \_\_\_\_\_ მობილური: \_\_\_\_\_

E:mail \_\_\_\_\_

(ხელმოწერა)

(თარიღი)